



Këshilli i Mediave të Shkruara të Kosovës
Press Council of Kosovo
Savet Štampe Kosova

05.06.2023, Prishtinë,
Ref:27.03.2023\1420-2023

**Vendim i Këshillit të Mediave të Shkruara të Kosovës ndaj
ankesës së Bashkim Osmani kundër Kosovaime.tv**

Këshilli i Mediave të Shkruara të Kosovës në mbledhjen e tij të mbajtur më 30 maj 2023, shqyrtoi ankesën e dërguar nga Bashkim Osmani kundër Kosovaime.tv lidhur me publikimin e shkrimit me titull "Biznesmenë e fajdexhinj - Si detyroheshin viktimat të paguanin vlera marramendëse për paratë që i morën", dhe mori këtë

V E N D I M

- Ankesa miratohet pjesërisht.

A R S Y E T I M

Media ka publikuar një lajm me titull "Biznesmenë e fajdexhinj - Si detyroheshin viktimat të paguanin vlera marramendëse për paratë që i morën", me pretendimin se shkrimi ka shkelur kapitujt II (raportimi i së vërtetës), III (nxitja dhe gjuha e urrejtjes), IV (e drejta për t'u përgjigjur) dhe V (personat e përfshirë në incidente, aksidente, të arrestuar apo të akuzuar për vepra penale) të Kodit të Mediave të Shkruara.

Lajmi është shkruar në gazetë online dhe objekt i kësaj ankese është teksti i shkruar, e që rrjedhimisht ankesa është e lejueshme për trajtim dhe e afatshme.

Pas leximit të ankesës KMSHK gjen se ankesa është e bazuar pjesërisht. Pra, miratohet pjesërisht.

Media ka raportuar në një rast të cilin Prokuroria e ka bërë publik. Rasti është i interesit të lartë publik, pasi që kemi të bëjmë me një dukuri të ndjeshme për shoqërinë. Media në titull ka përdorur fjalën 'fajdexhinj', që është cilësim paragjykes. Përderisa nuk ekziston një gjykim përfundimtar dhe një vendim i plotfuqishëm i organeve të drejtësisë, media nuk mund të konstatojë fajësisë ose pafajësinë e dikujt. Andaj konstatohet se media ka shkelur Kapitullin II të raportimit të së vërtetës të Kodit të Mediave.

Në lidhje me nxitjen e gjuhës së urrejtjes nga media, KMSHK pas leximit të shkrimit dhe ankesës gjen se nuk kemi të bëjmë me nxitje të urrejtjes, pasi që nuk plotësohen elementët që parasheh Kodi i Mediave për rastet e nxitjes së urrejtjes.

Në lidhje me përcaktimin e fajësisë nëpërmjet shkrimit, KMSHK gjen se media përgjatë shkrimit është kujdesur që t'i cilësojë të arrestuarit si të dyshuar dhe nuk ka shkelur kapitullin V të Kodit të Mediave. Shkrimi nuk konstaton se i arrestuari është fajtor apo jo, por tregon arsyen e arrestimit. Arsyja e arrestimit është informatë në interes të publikut dhe lajmi nuk mund të jetë i plotë pa i paraqitur të gjitha faktet.

Në lidhje me mosdhënien e mundësisë për t'u deklaruar, media nuk ka bërë shkelje të Kodit të Mediave, pasi që ka raportuar bazuar në një dokument zyrtar publik.

Andaj, KMSHK vendos që ankesa të miratohet pjesërisht.

Këshilli i Mediave të Shkruara të Kosovës